



**Broj: 0105-664-6/17**

**Sarajevo, 27. 03. 2017. godine**

Na osnovu člana 70. stav (1), (3) i (6) Zakona o javnim nabavkama Bosne i Hercegovine („Službeni glasnik BiH“ broj: 39/14) i člana 59. Statuta Univerziteta u Sarajevu, nakon provedenog postupka **KONKURENTSKOG ZAHTJEVA ZA DOSTAVLJANJE PONUDA** za nabavku usluge nadogradnje, održavanja i razvoja Informacionih sistema: 1. EMIS, EMIS Web i softverski sistem EMIS print, 2. On-line prijava i upis u srednje škole, 3. EMIS, e-matura OŠ i 4. EMIS, e-matura SŠ, na preporuku Komisije za provođenje postupka nabavke broj: 0105-664-5/17 od 24. 03. 2017. godine, rektor Univerziteta u Sarajevu je donio

### **ODLUKU**

#### **o izboru najpovoljnijeg ponuđača i dodjeli ugovora**

##### **Član 1.**

Prihvata se preporuka Komisije za provođenje postupka nabavke broj: 0105-664-5/17 od 24. 03. 2017. godine i ugovor o javnoj nabavci Usluge nadogradnje, održavanja i razvoja Informacionih sistema: 1. EMIS, EMIS Web i softverski sistem EMIS print, 2. On-line prijava i upis u srednje škole, 3. EMIS, e-matura OŠ i 4. EMIS, e-matura SŠ, dodjeljuje ponuđaču Orbicode d. o. o. Vrbanjuša 45 a, 71000 Sarajevo, čija ukupna cijena ponude iznosi 45.350,00 KM bez PDV-a (slovima: četrdesetpetihiljadatristotinepedeset KM i 00/100), što sa uračunatim PDV-om iznosi 53.059,50 KM sa PDV-om (slovima: pedesettrihiljadepedesetdevet KM i 50/100), iz razloga što je u postupku konkurentskog zahtjeva za dostavljanje ponuda ponudio ekonomski najpovoljniju ponudu u skladu sa članom 64. stav (1) tačka a) Zakona o javnim nabavkama BiH.

##### **Član 2.**

Izabrani ponuđač je dužan na adresu Univerziteta u Sarajevu, Obala Kulina bana 7/II, 71 000 Sarajevo, u roku od 3 (tri) dana od dana zaprimanja ove Odluke, dostaviti originale ili ovjerene kopije dokaza traženih tačkom 13.1. i 13.3. Tenderske dokumentacije, ne starije od 3 (tri) mjeseca od dana predaje ponude, u skladu sa dostavljenom Izjavom ponuđača, s tim da datum izdavanja dokumenata ne smije biti nakon datuma podnošenja ponude.

##### **Član 3.**

Ova Odluka će se objaviti na web stranici Univerziteta u Sarajevu [www.unsa.ba](http://www.unsa.ba), istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama BiH.

### **Obrazloženje**

Na osnovu Odluke o pokretanju postupka javne nabavke broj: 0101-664-1/17 od 10. 03. 2017. godine, Univerzitet u Sarajevu je pokrenuo postupak konkurentskog zahtjeva za dostavljanje ponuda za javnu nabavku Usluge nadogradnje, održavanja i razvoja Informacionih sistema: 1. EMIS, EMIS Web i softverski sistem EMIS print, 2. On-line prijava i upis u srednje škole, 3. EMIS, e-matura OŠ i 4. EMIS, e-matura SŠ.

Za provođenje postupka javne nabavke Odlukom broj: 0101-664-2/17 od 10. 03. 2017. godine, imenovana je Komisija za javnu nabavku u sastavu: dr. Elmedin Selmanović, predsjedavajući i članovi Mersida Karačić i Sanel Sefer.

Obavještenje o nabavci broj: 999-7-2-69-3-5/17 objavljeno je na Portalu javnih nabavki dana 10. 03. 2017. godine. Istog dana, na Portalu javnih nabavki objavljena je i Tenderska dokumentacija broj: 0101-664-3/17.

Iz Izvještaja Komisije o pregledu i ocjeni ponuda se vidi da je Ugovorni organ dana 10. 03. 2017. godine uputio zahtjev za dostavljanje ponude sljedećim ponuđačima:

1. A-NET d. o. o. Emerika Bluma 15, 71000 Sarajevo,
2. Orbicode d. o. o. Vrbanjuša 45 a, 71000 Sarajevo
3. REBUS d. o. o. Derviša Numića 1a, 71000 Sarajevo.

Iz Izvještaja o preuzimanju tenderske dokumentacije od strane ponuđača, preuzetog sa Portala javnih nabavki dana 21. 03. 2017. godine, vidljivo je da su, u periodu koji je ostavljen za dostavljanje ponuda, sa Portala javnih nabavki Tendersku dokumentaciju preuzeli sljedeći potencijalni ponuđači: REBUS d. o. o., ekapija d. o. o., Orbicode d. o. o., Infostrim d. o. o., PROINTER ITSS d. o. o., ATIA d. o. o. Sarajevo, BBS Europe d. o. o., NET-PRO d. o. o., AVACOM GROUP d. o. o., OCEAN d. o. o., A-NET d. o. o. ZENICA, ASPO RAIL d. o. o. i JAPET d. o. o. SARAJEVO.

Iz Izvještaja o pitanjima i odgovorima u vezi sa tenderskom dokumentacijom, preuzetog sa Portala javnih nabavki, vidljivo je da u periodu koji je ostavljen za dostavljanje ponuda, od strane potencijalnih ponuđača, nije bilo postavljenih pitanja i zahtjeva za pojašnjenje tenderske dokumentacije.

Iz Zapisnika Komisije je vidljivo da je dana 21. 03. 2017. godine u 10,15 sati, Komisija za provođenje postupka nabavke izvršila javno otvaranje blagovremeno prispjelih ponuda, po redoslijedu prijema ponuda kako slijedi:

R. br.	Naziv i sjedište ponuđača	Broj prijemnog protokola	Datum i vrijeme prijema ponude
1.	Orbicode d.o.o. Vrbanjuša 45 a, Sarajevo	0105-1972/17	21. 03. 2017. u 09,40

Dana 21. 03. 2017. godine u 10,15 sati izvršeno je javno otvaranje prispjele ponude. Na javnom otvaranju ponuda nije bio prisutan predstavnik ponuđača.

Zapisnik sa javnog otvaranja ponuda je u zakonskom roku od tri (3) dana upućen ponuđaču koji je blagovremeno dostavio ponudu.

Iz Zapisnika Komisije za javnu nabavku je vidljivo da nije bilo neblagovremenih ponuda.

Iz Zapisnika Komisije je vidljivo da Komisija za javnu nabavku nije imala nejasnoća u ponudi ponuđača, niti je bilo grešaka u dostavljenoj ponudi.

Iz Zapisnika Komisije je vidljivo da se Komisija sastala odmah poslije javnog otvaranja ponuda dana 21. 03. 2017. godine i pristupila pregledu i ocjeni ponude, odnosno da provjeri da li je ponuđač ispunio uslove iz člana 45. do 50. Zakona o javnim nabavkama, koji su traženi Tenderskom dokumentacijom, kao i da bi utvrdila da li je ponuđač dostavio tehnički zadovoljavajuću ponudu u skladu sa zahtjevima iz Tenderske dokumentacije, te da li je kvalifikovan za vršenje predmetne usluge.

Iz Zapisnika Komisije je vidljivo da je ponuđač Orbicode d. o. o. Vrbanjuša 45 a, Sarajevo dostavio Potvrdu Vanjskotrgovinske komore Bosne i Hercegovine o ispunjavanju uslova za primjenu preferencijalnog tretmana domaćeg, odnosno da usluge izrade i razvoja informacionih sistema, koje obavlja ponuđač Orbicode d. o. o. Vrbanjuša 45 a, Sarajevo zadovoljavaju uvjete za izdavanje sertifikata o bh porijeklu. S obzirom da je u predmetnom postupku dostavljena samo jedna ponuda, nije bilo mogućnosti poređenja ponuda.

Iz Zapisnika Komisije je vidljivo da je Komisija ponudu ponuđača Orbicode d. o. o. Vrbanjuša 45a, Sarajevo, ocijenila kao prihvatljivu, odnosno tehnički zadovoljavajuću, s obzirom da je ispunio sve uslove za učešće propisane članom 45. do 50. Zakona o javnim nabavkama BiH, te sve uslove koji su utvrđeni Tenderskom dokumentacijom.

Iz zapisnika Komisije za javnu nabavku je vidljivo da je Komisija provjerila računsku ispravnost dostavljene ponude i utvrdila da u ponudi ponuđača nije bilo računskih grešaka.

Komisija za javnu nabavku je, prema kriterijumu ekonomski najpovoljnija ponuda, sačinila rangiranje prihvatljivih ponuda kako slijedi:

R. br. na rang listi	Naziv i sjedište ponuđača	Ponuđeni popust	Podkriteriji koji se vrednuju unutar kriterija ekonomski najpovoljnija ponuda
1.	Orbicode d.o.o. Vrbanjuša 45 a, 71000 Sarajevo	0,00 KM	<b>1. Cijena:</b> 45.350,00 KM bez PDV-a 53.059,50 KM sa PDV-om <b>2. Rok izvršenja:</b> 15 dana od dana potpisivanja ugovora

Iz zapisnika Komisije je vidljivo da u predmetnom postupku javne nabavke nije bilo potrebe za podnošenjem zahtjeva za objašnjenje cijene ponude.

Komisija za provođenje postupka nabavke je dala prijedlog rektoru Univerziteta u Sarajevu, da za nabavku Usluge nadogradnje, održavanja i razvoja Informacionih sistema: 1. EMIS, EMIS Web i softverski sistem EMIS print, 2. On-line prijava i upis u srednje škole, 3. EMIS, e-matura OŠ i 4. EMIS, e-matura SŠ, donese odluku o izboru ponuđača Orbicode d. o. o. Vrbanjuša 45 a, Sarajevo, čiju ponudu je, u skladu sa kriterijom ekonomski najpovoljnija ponude, ocijenila kao najpovoljniju sa ukupnom cijenom ponude od 45.350,00 KM bez PDV-a (slovima: četrdesetpethiljadatristotinepedeset KM i 00/100), što sa uračunatim PDV-om iznosi 53.059,50 KM sa PDV-om (slovima: pedesettrihiljadepedesetdevet KM i 50/100).

Iz gore navedenih razloga, primjenom člana 64. stav (1) tačka a) Zakona o javnim nabavkama BiH, prihvaćen je prijedlog Komisije za javnu nabavku i odlučeno je kao u dispozitivu ove Odluke.

#### **POUKA O PRAVNOM LIJEKU:**

Protiv ove Odluke može se izjaviti žalba, najkasnije u roku od pet (5) dana od dana prijema ove Odluke. Žalba se izjavljuje Uredu za razmatranje žalbi Bosne i Hercegovine putem ugovornog organa u pisanoj formi. Žalba se podnosi u najmanje tri (3) primjerka.

**Naknada za pokretanje žalbenog postupka plaća se Uredu za razmatranje žalbi**, u skladu sa članom 107. Zakona o javnim nabavkama i Instrukcijom Ministarstva finansija i trezora BiH o načinu uplate, kontrole i povrata naknada propisanih članom 108. Zakona o javnim nabavkama BiH.

Rektor

Prof. dr. Rifat Škrijelj

#### **Dostaviti:**

1. Orbicode d.o.o. Vrbanjuša 45 a, 71000 Sarajevo
2. Prorektor za finansije UNSA
3. Generalni sekretar UNSA
4. Služba za računovodstvo i finansije UNSA
5. Izvršilac za javne nabavke
6. web stranica UNSA
7. a/a

**Prilog:** Zapisnik o pregledu i ocjeni ponuda